



Minggu, 21 Mei 2024

Ogen: Lukas 2:51-52



Ertimbang



Hati seorang ibu' banci mewakili pusuh Maria i bas menaken ikatakén malekat maka ia natang tuah amin i bas status selaku tunangen Jusup janah langa erjabu. Sanga ialokenna si jadi man ia, nina man malekat Gabriel 'kuendesken diriku dingén jadilah bagi katandu e.' Enggo sikap ia ndalani geluhna seh Jesus tubuh bage pe rikutken sope tekse enda, sanga susah ukurna ndarami Jesus. Kenca kerina si jadi e reh belina Jesus, ibegikenna kata nande bapana. Isimpan Maria kerina terjadi e i bas pusuhna, itimbangkenna i bas pusuhna. Si enda nuriken maka selaku nande, nandai Jesus, nggeluh ras Jesus, la sitik si iukuri Maria. E maka pusuh si beluh ertimbang me si lit i bas Maria paksa e. La kai pe icakapkenna, igargarina. Ibestosina paksa-paksa si lit, dingén pertumbuhankembangan Jesus selaku manusia pe mehuli. Rikut ras si e tambah-tambah ate Dibata ngenana bage pe manusia, e me kalak si lit isekelewetna rikut keluargana.

Ertimbang, perlukal lit i bas manusia. Sabap la kerina banci sieteh, siangkai, si turiken kerina kejadi-kejadi si lit isekelewetta. Banci jadi lit paksana maka siantusi kai si jadi nai. Bage me perlu kal kita erlajar jadi sekalak diberu si pentar, beluh ertimbang i bas ukur, la kai pe minter iguntarken, icakapken seh pe turah rawa-rawa sierbahanca gejek kerinana, lanai ertuti-turin.

Rikut ras jamanta genduari enda, anak i bas umur 12 tahun paksa anak tanggung mengketi remaja, masa peralihen si perlu kal perhatin. Banci jadi kesabaren rikut kepentaren arus ersada i bas ngarak-ngarak pertumbuhankembangan anak-anakta. Melala ertimbang, erlajar, rukur gelah siangkai si jadi i bas anak ntah kempta alu bage i bas ia reh belinn, reh belinna ka ateta ngena man bana bage pe Dibata.